

STATUT
TAVLA SAVEZA U BOSNI I HERCEGOVINI

Na osnovu člana 10. i člana 12. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03 i 63/08) i člana 22. Zakona o sportu Bosne i Hercegovine ("Službeni glasnik BiH", broj 27/08) dana 23.03.2024. godine u Mostaru, održana je vandredna Skupština Tavlja Saveza u Bosni i Hercegovini, te donijela

STATUT TAVLA SAVEZA U BOSNI I HERCEGOVINI

I OPŠTE ODREDBE

Član 1.

1. Tavlja Savez u Bosni i Hercegovini (u daljem tekstu: Savez) je savez udruženja, koja se dobrovoljno udružuju radi usklađivanja, posebnih i zajedničkih interesa u cilju sprovođenja pravila propisanih aktima Saveza i Svjetske backgammon federacije (WBGF), planiranja, organizovanja i sprovođenja razvoja tavlje i backgammona u Bosni i Hercegovini na osnovama pune ravnopravnosti i odgovornosti, te međusobnog razumijevanja i uvažavanja.
2. Osim razloga navedenih u stavu 1, udruženja se udružuju u Savez i radi predstavljanja Bosne i Hercegovine na međunarodnim takmičenjima.
3. Savez je nestranačka i nepolitička organizacija. Djelovanje Saveza isključuje rasnu, nacionalnu, vjersku i političku diskriminaciju, te kršenje slobode i prava čovjeka.

Član 2.

1. Savez ima svojstvo pravnog lica, koje stiče upisom u Registar udruženja, pri Ministarstvu pravde BiH.
2. Naziv Udruženja je: Tavlja savez u Bosni i Hercegovini.
3. Skraćeni naziv je: TS BiH
4. Savez može koristiti naziv na engleskom jeziku, koji glasi Backgammon Federation of Bosnia and Herzegovina, skraćeni naziv BGF BiH.
5. Za takmičenja u okviru Saveza primjenjuju se pravila tavlje i backgammon igre koja usvaja Upravni odbor Saveza (u daljem tekstu: UO).

Član 3.

1. Savez djeluje na teritoriji cijele Bosne i Hercegovine.
Sjedište Saveza je u Mostaru, na adresi Zalik 10 B.

Član 4.

1. Savez ima svojstvo pravnog lica i za sve obaveze odgovara sredstvima, sa kojima raspolaže.
2. Savez je neprofitabilna i nevladina organizacija.

Član 5.

1. Savez predstavlja i zastupa predsjednik Saveza, a u slučaju njegove spriječenosti potpredsjednik Saveza. Uz saglasnost predsjednika, Savez u svim poslovima zastupa i generalni sekretar Saveza.

Član 6.

1. Pečati Saveza su okruglog oblika u dvije veličine promjera 32 mm i 25 mm. U sredini pečata je znak Saveza, a oko znaka natpis Tavlja Savez u Bosni i Hercegovini.

2. Upotreba i čuvanje pečata utvrđeno je uputstvom koje donosi UO.

Član 7.

1. Savez ima svoj znak, amblem i zastavu.
2. Znak je četvrtastog oblika izveden slobodno. Osnovni oblik je na krajevima dinamično izvitoperen i asocira na zastavu. Četvrtasta ploha u osnovi je sastavljena od dva raznobojna trokuta (žuto i plavo, boje BiH) koji ujedno unutar hipotenuza imaju po tri (odnosno dva) šiljka koji simboliziraju igru.
3. Način upotrebe znaka, amblema i zastave uredit će se posebnom odlukom UO.

II CILJEVI

Član 8.

1. U ostvarivanju potreba i interesa društva, te ostvarivanju ukupnih aktivnosti u oblasti igre:
 - razvoj i unapređenje tavlja i backgammon sporta na cijeloj teritoriji Bosne i Hercegovine,
 - povezivanje klubova,
 - razvijanje svijesti građana, a posebno mladih u tavlja i backgammon sportu i njegovim vrijednostima,
 - doprinos vaspitanju, obrazovanju i razvoju djece i omladine
 - donošenje dugoročnih i kratkoročnih planova razvoja Tavlja Saveza u BiH
 - organizacija takmičenja,
 - predstavljanje Bosne i Hercegovine na međunarodnom nivou.

Član 9.

1. Savez je nadležan i odgovoran za formiranje i ukidanje takmičenja na teritoriji Bosne i Hercegovine za svoje klubove i članove.
2. Savez organizuje takmičenje za seniorska i omladinska takmičenja u kategoriji muškaraca i žena i internacionalna takmičenja na teritoriji BiH.

Član 10.

1. Radi uspješnog izvršavanja poslova i zadataka iz člana 12. ovog Statuta, Savez saraduje sa nadležnim organima BiH, javnim preduzećima, pravnim licima, odgojno-obrazovnim institucijama, drugim ustanovama i organizacijama na svim nivoima u Bosni i Hercegovini i međunarodnom nivou.

Član 11.

1. Savez u skladu sa zakonom, može obavljati srodne privredne djelatnosti, a nesrodne samo preko posebno osnovanog privrednog društva.

III ČLANSTVO, ORGANIZACIJA I DJELOVANJE SAVEZA

Član 12.

1. U Savezu se osiguravaju jednaka prava, obaveze i odgovornosti udruženih klubova i društava.

Član 13.

1. U Savez se udružuju udruženja koja okupljaju igrače i ljubitelje tavlje i backgammona sa cijelog područja BiH.
2. Odluku o udruživanju u Savez uz prethodnu ocjenu o postojanju osnovanosti za udruživanje donosi Skupština Saveza.
3. Odluku o privremenom članu Saveza donosi UO Saveza.
Privremeni član ima sva prava i obaveze člana Saveza, bez prava odlučivanja u tijelima Saveza.

Član 14.

1. Da bi postali član Saveza, udruženja moraju dostaviti Savezu:
 - Statut društva ili kluba,
 - kopiju rješenja o registraciji i druge osnivačke dokumente,
 - osnovne podatke o članstvu, predsjedniku i sekretaru.

Član 15.

1. Ako član Saveza svojim djelovanjem ne ostvaruje utvrđene poslove i zadatke, nadležni organ Saveza mora ga upozoriti na nedostatke u radu i predložiti mu sazivanje vanredne Skupštine društva ili kluba i utvrđivanje odgovornosti odgovornih osoba.
2. Ako član Saveza i nakon upućenih upozorenja nastavi djelovati suprotno odredbama svog i ovog Statuta, brisati će se iz članstva Saveza.

Član 16.

1. Članstvo društva ili kluba u Savezu prestaje:
 - brisanjem iz registra,
 - ako se utvrdi da je član prestao djelovati ili ako nije održao Skupštinu najmanje dvije godine,
 - ako se broj članova društva ili kluba smanji ispod broja određenog za osnivanje,
 - odlukom Skupštine Saveza, ako društvo ili klub svojim djelovanjem šteti interesima Saveza,
 - na vlastiti zahtjev uz obrazloženje,
 - zbog neplaćanja članarine.

Član 17.

2. Društvo ili klub, kada po bilo kojoj osnovi navedenoj u članu 15. ovog Statuta prestane biti član Saveza, dužan je da izmiri u cijelosti sve preuzete obaveze prema Savezu.

IV UPRAVLJANJE POSLOVIMA SAVEZA

Član 18.

1. **Organi Saveza su:**
 - Skupština Saveza
 - Upravni odbor
 - Nadzorni odbor

1. SKUPŠTINA SAVEZA

Član 19.

1. Skupština Saveza (u daljem tekstu: Skupština) je najviše tijelo Saveza koje upravlja poslovima Saveza.

Član 20.

1. Skupštinu Saveza čine po 3 delegata svake od članica Saveza sa jednakim pravom glasa. Članovi Skupštine Saveza imaju po dva zamjenička člana.
2. Predsjednik Saveza je po dužnosti obavezan prisustvovati na Skupštini. Ukoliko iz opravdanih razloga ne može prisustvovati, zamijeniti će ga potpredsjednik Saveza.

Član 21.

1. U upravljanju poslovima Saveza, Skupština ima ovlaštenja da:
 - donosi Statut Saveza i druge opće akte utvrđene Statutom, vrši njihove izmjene i dopune,
 - daje tumačenje Statuta,
 - razmatra aktualna pitanja iz rada Saveza, zauzima stavove te donosi opšte i pojedinačne akte kojima reguliše rad Saveza,
 - donosi poslovnik o svom radu,
 - utvrđuje politiku i programsku orijentaciju Saveza,
 - razmatra sva pitanja od zajedničkog interesa za članice,
 - utvrđuje dugoročne programe razvoja igre,
 - razmatra nalaze Nadzornog odbora, zauzima stavove i poduzima mjere u vezi sa nalazima,
 - bira i opoziva članove UO, predsjednika i zamjenika predsjednika Saveza, te članove Nadzornog odbora,
 - razmatra i usvaja godišnji izvještaj o radu UO i finansijski izvještaj,
 - usvaja program rada UO i finansijski plan,
 - odlučuje o visini kotizacije za učešće na državnim prvenstvima,
 - odlučuje o visini godišnje članarine koju klubovi uplaćuju Savezu,
 - donosi odluke po žalbama članova saveza u drugom stepenu
 - usvaja kalendar takmičenja,
 - vrši prijem u članstvo,
 - donosi odluke o statusnim promjenama Saveza, a posebno o prestanku rada, pripajanju, razdvajanju ili transformaciji,
 - vrši i druge poslove utvrđene ovim Statutom ili odlukom same Skupštine.

Član 22.

1. Mandat predstavnika u Skupštini traje četiri godine.
2. Delegatu u Skupštini mandat može prestati i prije isteka roka na koji je izabran u slučaju:
 - njegovog opoziva,
 - podošenja ostavke na funkciju predstavnika u Skupštini,
 - nastanka takvih okolnosti zbog kojih predstavnik ne bi više mogao obavljati dužnosti delegata u Skupštini.
3. Opoziv delegata vrši se na način i po postupku predviđenom za njegovo predlaganje odnosno izbor.

4. Mandat naknadno izabranog delegata traje do isteka mandata zamjenjenog člana Skupštine.

Član 23.

1. Delegat u Skupštini ima pravo da:

- učestvuje u radu skupštine kao i drugim organima u koje je biran,
- zauzima stavove o pitanjima o kojima se odlučuje u Skupštini i njenim organima,
- postupa u skladu s opšte utvrđenom politikom razvoja sporta u BiH, vodeći pri tome računa o širim društvenim interesima, interesima društava i klubova, kao i neophodnosti usaglašavanja i sporazumjevanja,
- pokreće raspravu o pitanjima iz djelokruga rada Skupštine,
- učestvuje u razmatranju svih akata koji donosi Skupština,
- učestvuje u izvršavanju zadataka utvrđenih odlukama Skupštine,
- postavlja delegatska pitanja,
- traži podatke i stručnu pomoć od stručne službe Saveza radi obavljanja svoje delegatske dužnosti.

2. Obaveze delegata u Skupštini:

- da se pridržava Statuta Saveza
- da aktivno rade u organima Saveza u kojima su izabrani
- o radu Skupštine i o svom radu u Skupštini izvještava organ društva ili kluba koji predstavlja,
- da čuva ugled Saveza i ne čine ništa što bi moglo nanijeti moralnu ili materijalnu štetu Savezu
- da prisustvuje Skupštini
- da izuzetno i disciplinovano poštuje odluke Saveza

Član 24.

1. Rad i sazivanje Skupštine definisat će se Poslovníkom o radu Skupštine.
2. Radi obavljanja poslova iz okvira svoje nadležnosti, Skupština se može održavati kao redovna, izborna i vanredna.
3. Redovna Skupština se održava prema potrebi a najmanje jedanput godišnje.
4. Izborna Skupština se održava svake četvrte godine.
5. Vanredna Skupština se održava po potrebi, u skladu sa vanrednim potrebama.

Član 25.

1. Na redovnoj Skupštini se usvajaju izvještajni i programski dokumenti, donose novi akti ili izmjene i dopune postojećih akata, vrši popuna do $\frac{1}{3}$ upražnjenih mjesta u Upravnom i Nadzornom odboru, te obavljaju i drugi poslovi navedeni u članu 23. ovog Statuta.
2. Na izornoj Skupštini vrši se izbor organa Saveza, u skladu sa članom 26.
3. Vanredna Skupština rješava pitanja vanrednog karaktera, vrši opoziv predsjednika, potpredsjednika i članova UO, te imenuje vršioce dužnosti do naredne izborne Skupštine.
4. Vanredna Skupština može imati karakter prijevremene izborne Skupštine u slučaju kolektivnog opoziva odnosno ostavke Upravnog ili Nadzornog odbora.

Član 26.

1. Skupština na sjednicama punopravno odlučuje, ako sjednici prisustvuje više od polovine ukupnog broja delegata u Skupštini.
2. Skupština odlučuje većinom glasova ukupnog broja prisutnih delegata u Skupštini.

Član 27.

1. Glasanje na redovnoj Skupštini je javno.
2. Glasanje na izbornoj i vanrednoj Skupštini može biti javno ili tajno, zavisno od odluke Skupštine.

Član 28.

1. Sjednicama Skupštine predsjedava predsjednik Skupštine (u daljem tekstu. predsjednik).
2. U slučaju odsutnosti ili spriječenosti predsjednika, Skupštinom predsjedava i radi potpredsjednik ili član UO Saveza kojeg ovlasti UO.
3. Sjednicama izborne Skupštine, do izbora Radnog predsjedništva rukovodi predsjednik Skupštine.

Član 29.

1. Predsjednik saziva Skupštinu:
 - kada ocjeni da je potrebno sazvati Skupštinu, a najmanje 1 put godišnje,
 - na temelju zaključaka UO,
 - na zahtjev više od 1/3 članica,
 - na zahtjev Nadzornog odbora.

Član 30.

2. Poziv na Skupštinu s prijedlogom dnevnog reda i materijalima, dostavlja se delegatima Skupštine najmanje osam dana prije održavanja Skupštine.
3. Ako se na Skupštini odlučuje o pitanjima koja zbog svog značaja iziskuju obaveznu javnu raspravu u članicama, materijali za javnu raspravu dostavljaju se najmanje petnaest dana, a najviše trideset dana prije održavanja Skupštine.

2. UPRAVNI ODBOR

Član 31.

1. Za realizaciju programskih zadataka, odluka i zaključaka iz svoje nadležnosti, Skupština bira UO koji broji sedam (7) članova, pazeći na teritorijalnu zastupljenost.
2. UO se bira na Skupštini na osnovu prijedloga članica.
3. UO sačinjavaju predsjednik, potpredsjednik i pet (5) članova.
4. Rad UO će se regulisati Poslovníkom o radu UO.

Član 32.

1. U UO mogu biti birani predstavnici koji su se svojom stručnošću i rezultatima rada dokazali u privredi, javnom životu i sportu.
2. Udruženi klubovi mogu kandidovati najviše po 1. predstavnika u UO, uz obrazloženje kandidature za svakog kandidata.

Član 33.

1. UO je nadležan da:
 - utvrđuje prijedlog Statuta i drugih opštih i pojedinačnih akata koje donosi Skupština, te njihovih izmjena i dopuna,

- bira i opoziva predstavnike u organizaciji u čijem radu učestvuju i predstavnici Saveza izuzev onih koje bira i opoziva Skupština,
- razmatra i rad predstavnika Saveza u drugim organizacijama i daje im smjernice za njihov rad, te zauzima stavove o pitanjima koja su na dnevnom redu tih organizacija,
- razmatra aktuelna pitanja iz rada udruženih organizacija i poduzima odgovarajuće mjere za unapređenje tog rada,
- organizuje rad i djelovanje Saveza,
- predlaže Skupštini uslove i načine korištenja sredstava Saveza,
- predlaže Skupštini prijedlog godišnjeg plana rada, finansijskog plana i završnog računa Saveza,
- predlaže Skupštini sistem i kalendar takmičenja,
- predlaže Skupštini visinu kotizacije za nastup takmičara na državnim prvenstvima,
- predlaže Skupštini visinu godišnje kotizacije koju klubovi uplaćuju Savezu,
- određuje visinu sudijske članarine i takse,
- izvršava finansijski plan Saveza i u okviru istog odlučuje o rasporedu i dinamici korištenja sredstava,
- sprovodi kandidacioni postupak za izbor organa Saveza, te kandidacioni postupak za izbor generalnog sekretara i stručnih tijela Saveza,
- bira i razrješava generalnog sekretara i stručna tijela Saveza,
- u slučaju potrebe imenuje vršioca dužnosti generalnog sekretara, te vršioce dužnosti stručnih tijela,
- određuje organizatore takmičenja,
- upravlja pokretnim i nepokretnim stvarima Saveza,
- donosi odluku o privremenom finansiranju koje važi do donošenja finansijskog plana,
- odlučuje o zadacima i organizaciji rada Saveza, zaključivanju sporazuma i ugovora te o drugim pitanjima rada Saveza,
- donosi odluku za dodijelu godišnjih i ostalih priznanja koje dodjeljuje Savez,
- donosi odluku o pristupanju i saradnji sa međunarodnim organizacijama
- predlaže Skupštini mjere protiv pojedinaca koji su svojim djelovanjem nanijeli materijalnu štetu Savezu i ugrozili razvoj igre,
- razmatra i učestvuje u organizaciji i pripremanju takmičenja državnog i međunarodnog ranga,
- vrši selekciju i izbor direktora turnira i reprezentacije,
- stara se o državnoj reprezentaciji i brine se o izvršavanju predviđenih programa,
- obavlja ostale poslove utvrđene ovim Statutom ili one koje mu povjeri Skupština.

Član 34.

1. UO odlučuje o pitanjima iz svog djelokruga rada na sjednicama.
2. Sjednice se održavaju po potrebi, a najmanje tri puta godišnje.
3. Poziv za sjednicu sa dnevnom redom i potrebnim materijalom dostavljaju se najmanje 3 dana prije zakazane sjednice.
4. Sjednice se mogu održavati na redovnim sastancima ili elektronskim putem.

Član 35.

1. UO može punopravno odlučivati ako sjednici prisustvuje više od polovine ukupnog broja članova.

2. Odluke se donose većinom glasova ukupnog broja članova prisutnih na sjednici.

Član 36.

1. UO donosi odluke javnim glasanjem, osim u slučaju kada odluči da odluke donosi tajnim glasanjem.

Član 37.

1. Sjednice UO saziva: predsjednik UO Saveza, koji ujedno i predsjedava sjednicama, a u slučaju njegove spriječenosti, potpredsjednik Saveza.
2. Sjednice UO može sazivati na zahtjev dvije ili više članica, Nadzornog odbora ili najmanje tri člana UO.

Član 38.

1. UO za svoj rad odgovara Skupštini.
2. Ukoliko je delegat kojem je mandat prestao prije isteka roka na koji je bio predložen i izabran, bio i član UO, o izboru novog delegata UO odlučuje Skupština.
3. Skupština može opozvati pojedinog člana UO i prije isteka njegovog mandata, ako ne obavlja svoju dužnost u skladu sa odredbama ovog Statuta, odnosno u skladu sa odredbama Skupštine.
4. U slučaju opoziva pojedinog člana UO i prije isteka njegovog mandata, mandat u Upravnom odboru ostaje klubu koji ga je delegirao.
5. Skupština može opozvati i cijeli UO ako se utvrdi da zbog neodgovornosti, neažurnosti i neznanja u pripremi zadataka iz programa rada Skupštine, odnosno dokumenata za raspravu u društvima i klubovima, otežavaju rad i djelovanje Skupštine, odnosno onemogućavaju ostvarivanje razvojne politike u oblasti tavlja i backgammon sporta.
6. Opoziv se vrši na redovnoj ili vanrednoj Skupštini Saveza.
7. UO ili član UO opozivaju se po postupku po kojem su izabrani.
8. U slučaju da najviše jedna trećina članova UO ne bude u mogućnosti obavljati svoju dužnost, UO će u saradnji sa članicama imenovati zamjenske članove, do naredne izborne Skupštine.

Član 39.

1. Hitnim pitanjima, između sjednica UO, generalni sekretar je dužan postupiti prema Poslovniku o radu UO.
2. Na narednoj sjednici UO će biti upoznat sa donesenim odlukama i provedenim aktivnostima.

3. PREDSJEDNIK SAVEZA

Član 40.

1. Predsjednik UO je istovremeno i predsjednik Saveza.
2. Predsjednik i potpredsjednik Saveza se bira tajnim ili javnim glasanjem na Upravnom odboru između članova UO.
3. Skupština Saveza mora verifikovati odluku o izboru predsjednika i potpredsjednika Saveza.

Član 41.

Predsjednik:

- predstavlja i zastupa Savez u okviru nadležnosti utvrđenih ovim Statutom i drugim općim aktima Saveza,
- razmatra sva pitanja od interesa za rad Saveza i daje inicijativu za rješavanje istih,

- čuva pečat Saveza i odgovara za njegovo korištenje.
- saziva sjednice UO,
- predsjedava sjednicama UO.
- potpisuje akte koje donosi UO,
- brine o izvršenju odluka Skupštine i UO,
- donosi odluke o nabavci opreme, osnovnih sredstava, inventara i drugih stvari neophodnih za obavljanje delatnosti Saveza, uz prethodnu odluku UO,
- angažuje profesionalne službe ili radnike za potrebe Saveza, uz prethodnu odluku UO,
- obavlja i druge poslove predviđene ovim Statutom i drugim općim aktima Saveza.

Član 42.

Predsjednik za svoj rad odgovara Skupštini i Upravnom odboru Saveza.

Za predsjednika može biti birana osoba koja je afirmirana i priznata kao društveni radnik ili uspješan privrednik.

Predsjednik Saveza može biti ponovo biran sa mandatom od 4 godine.

4. POTPREDSJEDNIK SAVEZA

Član 43.

1. Potpredsjednik UO je istovremeno potpredsjednik Saveza.
2. Potpredsjednik Saveza zamjenjuje predsjednika u slučajevima kada je predsjednik iz raznih razloga spriječen predstavljati Savez i obavlja poslove iz djelokruga rada predsjednika, kada ga za to ovlasti predsjednik.

5. NADZORNI ODBOR

Član 44.

1. Nadzor nad radom, odnosno poslovanjem Saveza, vrši Nadzorni odbor.
2. Nadzorni odbor ima tri člana.
3. Nadzorni odbor bira Skupština na osnovu prijedloga članica.
4. Na prvoj sjednici, članovi Nadzornog odbora biraju predsjednika.
5. Sjednice se održavaju po potrebi, a najmanje jednom godišnje.
6. Mandat članova Nadzornog odbora traje četiri godine.

Član 45.

1. Nadzorni odbor:
 - kontroliše provođenje zakonitosti u radu i poslovanju Saveza,
 - vrši kontrolu zakonskih, ugovornih i drugih obaveza Saveza,
 - kontroliše poštivanje odredaba Statuta i drugih opštih akata Saveza i njegovih organa,
 - kontroliše i analizira ostvarenje utvrđene finansijske politike i finansijskog plana Saveza,
 - predlaže mjere koje bi trebalo poduzeti za sprječavanje i otklanjanje nepravilnosti u radu,
 - preduzima i druge mjere u vezi sa svojim poslovima i zadacima i djelokrugom rada.

2. Organi Saveza su dužni da Nadzornom odboru (predsjedniku) redovno dostavljaju dokumentaciju o svom radu, te da predsjednika Nadzornog odbora pozivaju na svoje sjednice.
3. Stručna služba Saveza, po zahtjevu predsjednika Nadzornog odbora, priprema materijale za sjednice Nadzornog odbora.

Član 46.

1. Nadzorni odbor za svoj rad odgovoran je Skupštini i podnosi joj izvještaj o svom radu.

Član 47.

1. Uočenim nepravilnostima Nadzorni odbor obavještava organ u čijem je radu nastala nepravilnost. Ako se nepravilnosti pravovremeno ne otklone, dužan je o tome obavjestiti organ kontrole i inspekcije i ministarstvo nadležno za poslove sporta.

Član 48.

1. Organi Saveza dužni su Nadzornom odboru pružiti sve tražene i potrebne podatke, omogućiti uvid u svu dokumentaciju i osigurati uvjete za rad.
2. Zadaci, način rada i djelovanje Nadzornog odbora utvrđuje se pobliže Poslovníkom o radu organa TBS BiH.

6. STRUČNA TIJELA SAVEZA

Član 49.

1. Za praćenje i obradu stručnih segmenata u okviru djelovanja Saveza, imenuje se stručna tijela.
2. Stručna tijela čine stalne i povremene komisije, te stručni saradnici za pojedine oblasti djelovanja Saveza.
3. Stručna tijela bira UO na period od 4 godine, uz mogućnosti ponovnog izbora.
4. Odlukom o imenovanju povremenih komisija UO određuje njihove zadatke i način rada, sastav, trajanje mandata kao i druga pitanja od značaja za njihov rad.
5. Način predlaganja, kriteriji za izbor, izborni postupak, zadaci i okvir ovlaštenja stručnih tijela utvrđeni su Poslovníkom o radu organa Saveza
6. Članovi stručnih tijela se mogu razrješiti dužnosti na prijedlog predsjednika saveza uz podršku većine članova UO.

Član 50.

Stručna tijela Saveza su:

1. Stalne komisije

- Disciplinska komisija

2. Stručne komisije i saradnici

- Komisija za takmičarske poslove
- Komisija za sudijske poslove i organizaciju obrazovanja stručnih kadrova
- Komisija za pravna i statutarna pitanja
- Komisija za marketing
- Komisija za finansije
- Komisija za nagrade i priznanja

3. Povremene komisije

4. Blagajnik Saveza

Blagajnik Saveza obavlja materijalno-finansijske poslove Saveza, i to:

- vodi blagajnu prihoda i rashoda i o tome redovno izvještava UO Saveza,
- stara se o naplati članarine, donacija i ostalih prihoda,
- ima ovlaštenje za podizanje gotovine radi pokrivanja troškova saveza po prethodnoj odluci UO,
- sastavlja finansijski izvještaj za UO,
- obavlja i druge poslove u vezi sa svojim zadacima i djelokrugom rada.

U slučaju potrebe materijalno-finansijske poslove Saveza može obavljati v.d. blagajnik kojeg imenuje UO.

Blagajnik Saveza može biti ponovo biran sa mandatom od 4 godine.

5. Direktor turnira

- Za organizaciju turnira po pravilima TBS BiH, poštovanje opštih pravila, primjenu pravila pod kojima se igraju mečevi u okviru TBS BiH, potrebna materijalno-tehnička sredstva i finansijski monitoring zadužen je direktor turnira.
- Glavni sudija se preimenuje u Direktora turnira.
- Direktora turnira bira UO.
- Rad Direktora turnira posebnim pravilnikom kojeg usvaja UO.

1. Nakon isteka mandata stručnih tijela Saveza, a do izbora novih, imenuju se vršioći dužnosti.
2. Stručna tijela odgovorna su UO koji ih je i izabrao i kojem podnose izvještaj o svom radu.
3. Rad stručnih tijela se obavlja na amaterskoj osnovi, osim ako nije utvrđeno posebnom odlukom UO.

7. GENERALNI SEKRETAR SAVEZA

Član 51.

1. Generalni sekretar saveza je lice angažovano na profesionalnoj, honorarnoj ili amaterskoj osnovi.
2. Generalnog sekretara imenuje UO na mandat od četiri (4) godine, sa mogućnošću ponovnog izbora.

Član 52.

1. Za generalnog sekretara i nosioce stručnih funkcija mogu biti imenovane osobe koje posjeduju stručne i organizacijske sposobnosti i dokazane rezultate u dosadašnjem radu.

Član 53.

1. Generalni sekretar je samostalan u radu i za svoj rad odgovoran je UO Saveza.

Član 54.

1. Generalni sekretar može biti razriješen dužnosti i prije isteka vremena na koje je imenovan u sljedećim slučajevima:
 - ako nije ostvario ciljeve i zadatke koje je prema odluci UO bio dužan ostvariti u okviru mandatnog razdoblja,

- ako svojim radom svjesno krši zakone, Statut i druge opšte akte Saveza, zbog čega mogu nastati štetne posljedice za Savez i društvo u cijelini,
 - ako svojim ponašanjem i postupcima postane nepodoban za vršenje povjerene funkcije,
 - na prijedlog predsjednika saveza uz podršku četiri (4) člana UO.
 - ukoliko se razrješava na vlastiti zahtjev.
2. Inicijativu za razrješenje generalnog sekretara mogu pokrenuti najmanje 3 člana UO, Nadzorni odbor, predsjednik Saveza.

Član 55.

1. Generalni sekretar:

- Generalni sekretar obavlja svakodnevne aktivnosti administrativno-pravnog, komercijalno-marketinškog karaktera i statutarnim tijelima pruža neophodnu administrativnu podršku.
- zastupa i predstavlja Savez, brine za zakonitost rada i ispunjavanje zakonom propisanih obaveza Saveza,
- odgovoran je za pravovremenu pripremu materijala za sjednice Skupštine i UO,
- stara se i preduzima mjere za realizaciju, odluka Skupštine, UO i stručnih tijela,
- surađuje s ministarstvima, institucijama i organizacijama nadležnim za sport,
- brine o obavještavanju javnosti o radu Saveza,
- vrši registraciju takmičarki i takmičara,
- Generalni sekretar prisustvuje sjednicama organa Saveza,
- vodi zapisnik sa sjednica Skupštine i UO,
- priprema izvještaj sa sjednica Skupštine i UO,
- izvršava i druge obaveze utvrđene Zakonom i odlukama Skupštine i UO.

Član 56.

1. Osobe ovlaštene za zastupanje Saveza su:

- Predsjednik Saveza
- Potpredsjednik Saveza
- Generalni sekretar, po ovlaštenju predsjednika Saveza.

Član 57.

2. Mandat Predsjednika UO i generalnog sekretara traje četiri (4) godine.

V DRŽAVNA SPORTSKA EKIPA

Član 58.

1. Radi promocije i ostvarenja najviših dostignuća u tavla i backgammon sportu, Savez formira državnu sportsku ekipu (u daljem tekstu: reprezentaciju).

Član 59.

1. Aktivnosti oko reprezentacije su u nadležnosti UO.

VI MATERIJALNO FINACIJSKO POSLOVANJE

Član 60.

1. Finansiranje programskih aktivnosti i rada organa Saveza utvrđuju se godišnjim finansijskim planom.
2. Godišnji finansijski plan priprema UO, a usvaja Skupština Saveza.
3. Naredbodavac za izvršenje finansijskog plana je predsjednik Saveza, a u slučaju njegove spriječenosti, potpredsjednik.
4. Po nalogu predsjednika Saveza u okviru finansijskog plana svi članovi Saveza su dužni izvršiti svoje obaveze.
5. Vanrednim prihodima i rashodima, koji nisu predviđeni finansijskim planom, odlučuje UO.

Član 61.

1. Savez stiče sredstva za svoju djelatnost iz slijedećih izvora:
 - članarine,
 - sredstava budžeta,
 - prihoda od vlastite djelatnosti,
 - sponzorstva i donatorstva,
 - ostalih prihoda.
2. Klubu koji ne uplati godišnju članarinu zamrzavaju se prava određena aktima Saveza do izmirenja duga.
3. U slučaju da klub u naredne tri godine ne uplati članarinu gubi status člana Saveza.

Član 62.

1. Budžetska sredstva strogo su namjenska i mogu se koristiti isključivo za poslove i zadatke prihvaćene godišnjim programom rada.

Član 63.

2. Sredstvima ostvareni vlastitom djelatnošću raspolaže Savez.
3. Trošenju prihoda ostvarenih vlastitom djelatnošću odluku donosi UO.

Član 64.

1. Raspodjela ukupnih sredstava vrši se finansijskim planom Saveza.

Član 65.

1. Usvojeni finansijski plan može se mijenjati u toku godine.
2. Izmjene i dopune finansijskog plana vrši UO svojom odlukom.

Član 66.

1. Savez posjeduje jedan ili više transakcijskih računa, a materijalno-financijsko poslovanje organizira se i vodi u skladu s propisima o materijalno-financijskom poslovanju, finansijskom pravilniku i općim aktima Saveza.

Član 67.

1. Radi vođenja materijalno-financijskog poslovanja Saveza UO putem ugovora o vršenju usluga angažuje nadležnu osobu ili stručnu službu.

Član 68.

1. Savez može sticati pokretnu i nepokretnu imovinu.
2. UO donosi odluku o sticanju nepokretne imovine, kao i odluku o prodaji, prenosu na drugu pravnu osobu ili davanje u zakup nepokretne imovine.
3. UO donosi odluku o sticanju, prodaji, prenosu na drugu pravnu osobu ili davanje u zakup pokretne imovine.

VII JAVNOST RADA SAVEZA

Član 69.

1. Rad Saveza je javan. Javnost rada ostvaruje se:
 - pravovremenim dostavljanjem materijala za raspravu predstavnicima udruženih klubova i drugim zainteresiranim organizacijama i zajednicama,
 - obavještavanjem predstavnika javnih medija i drugih sredstava priopćavanja o održavanju sjednica,
 - izvještavanjem građana o radu i poslovanju Saveza i na druge načine (npr. službeno glasilo, internet itd.),
 - izdavanjem Službenog biltena,
 - javnim održavanjem sjednica,
 - objavljivanjem i dostavljanjem biltena.

VIII PRIZNANJA I NAGRADE

Član 70.

1. Savez može dodjeljivati priznanja i plakete uspješnim i zaslužnim članicama i pojedincima.
2. Način dodjele, vrste priznanja, kriterije i način predlaganja definisat će se pravilnikom o dodjeli priznanja, koje donosi UO.

IX MJERE SAMOZAŠTITE

Član 71.

1. Radi zaštite vitalnih interesa organizacije i igre i aktima regulisanog funkcionisanja Saveza i njegovih organa, Skupština Saveza donosi odluku o trajnoj zabrani vršenja bilo kakve funkcije unutar Saveza licima koja su svoje ovlasti i funkcije iskoristili za lične interese i samovolju.

Član 72.

1. U postupku predlaganja kandidata za organe i stručna tijela Saveza, klubovi su dužni pribaviti podatke o ranijoj društveno sportskoj angažovanosti tih kandidata.

Član 73.

1. Čuvanju tekuće dokumentacije Saveza brine se nosioci pojedinih funkcija na koje se ta dokumentacija odnosi.
2. Pokretnoj i nepokretnoj imovini Saveza brine UO i u slučaju potrebe preduzima odgovarajuće mjere u skladu sa Zakonom.

X PRELAZNE I ZAVRŠNE ODREDBE

Član 74.

1. Statut donosi Skupština većinom glasova ukupnog broja delegata Skupštine, uz prethodno proveden postupak javne rasprave u članicama Saveza.

Član 75.

1. Prijedlog Statuta utvrđuje UO i upućuje ga na javnu raspravu članicama Saveza.
2. Po isteku roka za raspravu, polazeći od prispjelih prijedloga, primjedbi i mišljenja, UO utvrđuje prijedlog Statuta i upućuje ga na usvajanje Skupštini.
3. Iznimno, nacrt prijedloga ovog Statuta utvrđuje inicijativni odbor, nakon provedene javne rasprave u članicama Saveza.

Član 76.

1. Inicijativu za izmjene i dopune Statuta daju UO, klubovi i pojedinci.
2. Izmjene i dopune Statuta vrše se na način i po postupku predviđenom za njegovo donošenje.

Član 77.

1. Savez može izvršiti statusne promjene, a posebno pripajanje, razdvajanje, transformaciju i prestanak rada većinom glasova ukupnog broja delegata Skupštine.
2. Savez prestaje s radom u skladu sa odredbama zakona, ili kada Skupština tako odluči.

Član 78.

1. U slučaju prestanka rada Saveza, imovina Saveza uključujući i arhivsku dokumentaciju prelazi u vlasništvo sportskog društva ili kluba, koji će nastaviti djelatnost u cilju promocije i razvoja tavlja i backgammon igre na području Bosne i Hercegovine.
2. Ukoliko ne postoji takvo sportsko društvo ili klub o imovini Saveza odlučit će Skupština.

Član 79.

1. Svi opšti akti Saveza uskladiti će se s odredbama ovog Statuta u roku od jedan (1) mjesec od dana stupanja na snagu ovog Statuta.
2. Članice Saveza dužni su uskladiti svoje statute s ovim Statutom u roku od tri (3) mjeseca od dana stupanja na snagu ovog Statuta.

Član 80.

1. Ovaj Statut stupa na snagu danom donošenja na Skupštini Saveza i bit će dostavljen svim udruženim organizacijama, a statut Saveza koji je bio na snazi od 25.03.2006.god. stavlja se van snage.

**Predsjednik Skupštine Tavlja saveza
Bosne i Hercegovine**

Zajmović Ramiz